

**Риёзус солиҳийн шарҳи / Ҳаё ва унинг фазилати ҳамда у билан
хулқланишга одатланмоққа тарғиб қилиш ҳақида / 1128-ҳадис**

1128 - وَعَنْ أَبِي هُرَيْرَةَ رَضِيَ اللَّهُ عَنْهُ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «إِذَا صَلَّى أَحَدُكُمْ رُكْعَتِي الْفَجْرِ فَلْيَضْطَجِعْ عَلَى يَمِينِهِ» رَوَاهُ أَبُو دَاوُدَ، وَالتِّرْمِذِيُّ بِإِسْنَادٍ صَحِيحَةٍ، قَالَ التِّرْمِذِيُّ: حَدِيثٌ حَسَنٌ صَحِيحٌ [د 1261، ت 420].

1128. Абу Хурайра розияллоху анхудан ривоят қилинади:

«Расулуллоҳ соллаллоху алайҳи васаллам:

«Қачон сизлардан бирингиз бомдоднинг икки ракат (суннати)ни ўқиб бўлса, ўнг томонига ёнбошлаб олсин», дедилар”.

Абу Довуд ва Термизий саҳиҳ санадлар билан ривоят қилишди. Термизий ҳасан, саҳиҳ ҳадис дедилар.

Шарҳ: Ҳадисларнинг очиқлашига кўра, Расулуллоҳ соллаллоху алайҳи васаллам бомдод намози суннатидан сўнг ўнг тарафга қараб бироз ётганлар, ҳатто умматларига ҳам шундай қилишни тавсия қилганлар. Бунинг сабаби Пайғамбаримиз таҳажжуд намозини узоқ ўқиганларидир. Юқоридаги ҳадисда очиқланишича, расули акрам таҳажжуд намозининг саждасида 50 оят ўқигандек саждада узоқ турардилар. Пайғамбаримиз (с.а.в) баъзан ибодат қилганларидан оёқлари шишиб кетарди. Умматига бамдод намози суннатидан сўнг ўнг тарафларига бироз ёнбошламоқликни тавсия қилганидан сабаби бамдод намозининг фарзини уйқисирамай очиқ зеҳн билан ўқимоқликдир. Бундай қилишнинг яна бир сабаби эса, инсон ўлганидан кейин ўнг тарафга қараб ётқизилади.



HADIS.ISLOM.UZ
NUBUVVAT MARVARIDLARI